



## **Comunicado di Prensa**

### **Fundacion Respeta Mi kier pidi atencion pa dia 19 di November: Dia Mundial pa Prevencion di Abuso di Mucha**

Mundialmente miyones di mucha muhe y mucha homber ta bira victima di un of mas forma di abuso di mucha, manera abuso fisico, abuso emocional, abuso sexual y negligencia.

Investigacion a mustra cu hopi biaha un mucha, victima di abuso, atrobe ta bira victima di abuso ora e ta bira un adolescente of adulto, of e na su turno ta bira un abusador.

E meta di e Dia Mundial pa Prevencion di Abuso di Mucha ta: pa organizacionnan bira voznan fuerte pa crea un cultura di prevencion di abuso di mucha mundialmente.

Cu ratificacion di e Tratado di Derechonan di Mucha Gobierno di Aruba a compromete su mes pa percura cu nos muchanan por crece bira grandi den un ambiente di seguridad y cu vigilancia riba nan bienestar.

Fundacion Respeta Mi kier logra cu tur organizacion gubernamental y no-gubernamental lo uni mas pa traha hunto pa combati y preveni abuso di mucha aki na Aruba.

Oranjestad, 18 di November 2010